

Broj: 04-35/25-2098/18 SS
Sarajevo, 24.08.2018. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Primljeno:			
Org. jed.	Klasif. oznaka	Broj	Broj lista
4/17			

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
Sektor za pravne, kadrovske, logističke poslove,
edukaciju i analitiku
SARAJEVO

Predmet: Odgovor na upit, **dostavlja se**
Veza: Vaš akt broj: 02/5-1-232/18 od 16.08.2018. godine

Poštovani,

U vezi Vašeg upita broj i datum veze, koji ste uputili Federalnom ministarstvu rada i socijalne politike, a koji se odnosi na donošenje rješenja o prestanku radnog odnosa uposlenika Uprave policije MUP-a Kantona Sarajevo, vezano za primjenu odredaba Zakona o penzijskom i invalidskom osiguranju Federacije BiH („Službene novine Federacije BiH“, broj: 13/18) i Zakona o radu („Službene novine Federacije BiH“, broj: 26/16), ističemo sljedeće:

Članom 40. Zakona o penzijskom i invalidskom osiguranju („Službene novine Federacije BiH“, broj: 13/18), jasno je propisano da pravo na starosnu penziju osiguranik ima kada navrši **65 godina života i najmanje 15 godina staža osiguranja, odnosno najmanje 20 godina penzijskog staža ili kada navrši 40 godina staža osiguranja bez obzira na godine života.**

Imajući u vidu navode iz vašeg upita, riječ je o policijskim službenicima čiji se radno pravni status reguliše u skladu sa odredbama Zakona o policijskim službenicima Kantona Sarajevo („Službene novine Kantona Sarajevo“, br. 25/06 i 04/08), kojim je propisano, između ostalog, da policijskom službeniku prestaje radni odnos kada navrši 65 godina života i zakonom propisani penzioni staž ili 40 godina penzionog staža.

Dakle, u konkretnom slučaju, može se dogoditi da policijskom službeniku prestane radni odnos, na osnovu naprijed navedenih lex specialis zakonskih propisa, a da isti ne može ostvariti pravo penziju u skladu sa članom 40. Zakona o penzijskom i invalidskom osiguranju.

Slijedom naprijed navedenog, ovo Ministarstvo je nadležno za tumačenje odredaba Zakona o penzijskom i invalidskom osiguranju, u smislu ispunjavanja

uslova za odlazak u penziju, a ne odredaba zakona kojim se propisuje prestanak radnog odnosa policijskih službenika. Međutim, kako je riječ o propisima koji moraju biti harmonizovani, neophodno je što prije usaglasiti odredbe Zakona o policijskim službenicima Kantona Sarajevo, sa odredbama Zakona o o penzijskom i invalidskom osiguranju.

S poštovanjem,

MINISTAR
Vesko Drijača

